

觀世音菩薩祕密藏神咒經

唐于闐三藏實叉難陀譯

觀世音菩薩如意摩尼陀羅尼經

唐北天竺三藏法師寶思惟譯

觀自在菩薩如意心陀羅尼咒經

唐三藏法師義淨奉詔譯



清刻龍藏佛說法變相圖

三經同卷

能四

觀世音菩薩祕密藏神呪經

觀世音菩薩如意摩尼陀羅尼經

觀自在菩薩如意心陀羅尼呪經

觀世音菩薩祕密藏神呪經

唐于闐三藏實叉難陀譯

祕密藏神呪除破一切惡業陀羅尼品第一
 如是我聞一時佛在伽栗斯山與大菩薩衆
 俱爾時觀世音菩薩摩訶薩即從座起整衣
 服胡跪合掌白佛言世尊我有大陀羅尼法
 名摩訶波頭摩極摩尼心輪能於一切事
 所求皆得成就若如來大慈悲許我說者我
 當承佛神力爲饒益一切衆生故說所以者
 何世尊此陀羅尼有大神力猶如摩尼寶亦

如如意樹能滿一切願爾時世尊讚觀世音
菩薩言善哉善哉汝已慈悲故為衆生能如
是問聽汝無障礙說此陀羅尼觀世音菩薩
既蒙聽許即起合掌作禮還坐本處諦觀衆
會具大慈心即說呪曰

那謨喝囉怛那合二怛囉合二夜耶一那謨阿哩

耶合二婆盧枳帝捨隸亡箇切囉耶二曝地具陀

薩怛隸亡箇切耶三摩訶薩怛隸同上耶二

摩訶箇路尼聲箇耶怛姪他六嗚吽合二

斫箇囉合二筏底多切八振多末尼九摩訶播

特迷合二嚕嚕底多切瑟吒十一合闍隸亡箇

合囉十阿箇哩沙合耶三虎河古切泮吒聲短薩

隸合二訶已上根烏吽合二播特摩合二振哆末尼闍隸二囉虎吽

上心已呪

烏吽合二筏囉陀耶播特迷合二虎吽二合已上

爾時觀世音菩薩說此如意輪陀羅尼已大

地六種震動天龍夜叉乾闥婆阿修羅迦樓

羅緊那羅摩睺羅伽等宮殿悉皆震動魔王

及諸魔衆生大驚怖魔王宮殿皆悉火起自

餘衆類夜叉惡鬼並皆惶懼仆面倒地一切

地獄門開罪人解脫受天勝樂爾時天雨寶

華及種種寶莊嚴具諸天音樂在虛空中出

種種聲供養如來爾時世尊以梵音聲說偈

讚觀世音菩薩摩訶薩言善哉善哉汝善男

子愍念衆生說陀羅尼能令衆生得大勝益

爾時世尊復告觀世音菩薩言善男子能為

諸衆生故說此大神通王陀羅尼法時觀世

音菩薩白佛言若有善男子善女人比丘比

丘尼優婆塞優婆夷童男童女於此生中欲

求現報當於晝夜一心精勤不忘此陀羅尼者亦不揀擇時日淨與不淨若誦得已即有成驗凡所求事當誦一百八遍即百千事成更無別有神呪及此如意輪王陀羅尼者所以者何過去現在惡業重障悉能破壞若能誦此陀羅尼應墮阿鼻地獄即得解脫五逆等罪亦悉除滅何況其餘惡業及諸厄難一切疾病若熱病一日二日三日四日若晝若夜若風黃腦黃痰癰等病誦此呪者悉得除愈若被蠱毒厭禱丁瘡疥癩癰痒風狂頭痛及耳鼻唇舌牙齒咽喉口面頂腦胃脇心腹腰背脚手頭足等痛悉得除瘥但是身中有病皆悉治之若夜叉羅刹毗那夜迦惡魔鬼神悉不能害亦不畏刀兵水火惡風雷電怨家劫盜惡王惡賊終不能害亦不橫死及諸

惡夢魘蛇蠍蠚守宮百足蜘蛛諸惡毒獸師子虎狼悉不能害兵鬪戰陣皆得勝利若有官事諍訟皆得和解若讀誦此陀羅尼一遍如上等事悉得隨意若日日誦此陀羅尼一百八遍見觀世音菩薩告言汝善男子汝等勿怖欲求何願一切施汝阿彌陀佛自現其身見極樂世界莊嚴之事如經中說亦見極樂世界諸菩薩衆亦見十方一切諸佛亦見觀世音菩薩所居住處補怛羅山即得自身清淨常爲諸王公卿宰相恭敬供養衆人愛敬所生之處不處母胎生蓮華上微妙莊嚴在所生處常得宿命始從今日乃至成佛終不墮惡道常生佛前

秘密藏一切愛樂法品第二

爾時觀世音菩薩憐愍衆生復說秘密如意

心輪陀羅尼但有所須皆悉自來有二種財
一者世間財二者出世間財世間財者金銀
等寶出世間財者福德智慧具二莊嚴身心
悅豫衆人愛敬能救一切衆生苦慈心增長
能與智者樂具資生增益能加勢力唯此秘
密藏境界不得向餘人說若欲得此如意輪
陀羅尼求最勝驗者至心一切時一切處淨
與不淨常應誦持一無過失所誦課充復應
稱觀世音菩薩名及如意輪陀羅尼并稱彼
人名字或時思念若王王子妃后公主婆羅
門刹利毗舍首陀若男若女童男童女種種
外道但欲親觀者應稱彼人名每至五更使
得課充若求最勝驗者或親觀國王於七日
中每至五更誦一千八遍即得相見若欲親
觀妃后應誦九百遍若欲親觀王子誦八百

遍若親觀內官誦七百遍若欲親觀公主誦
六百遍若欲親觀婆羅門誦五百遍若欲親
觀刹利誦四百遍毗舍誦三百遍比丘比丘
尼一百遍優婆塞優婆夷九十遍童男童女
誦六十遍此名親觀課法能成辦一切事財
物奴馬一切樂具有所愛樂者或在遠處意
所求之如風疾至凡欲爲事但得課充其事
即成若欲見觀世音菩薩誦一千八遍即見
真身一切成滿若欲見金剛應誦一萬遍即
現其前憐念其人如父愛子心所願事悉能
與之若欲見諸佛及諸大衆誦一萬三千遍
即見若七日七夜相續誦凡所持呪神皆悉
現前各各自將已呪功能施與其人常隨擁
護第七日三千大千世界主及天帝釋與諸
眷屬俱來皆與其願能依如前所說誦課法

滿者所求之願皆得滿足

能四

上

觀世音陀羅尼和阿伽陀藥法令人愛樂品
第三

觀世音菩薩復爲憐愍衆生故說愛樂藥法
令人見者生歡喜心和合既了身上帶行最
勝成就一切皆得遂意

牛黃 白檀 鬱金香 龍腦香 麝香

豆蔻子 丁香 迦俱羅 蓮華 青蓮華

金薄

各等分白蜜與藥亦等分擣和誦前呪一千
八遍用香或熏身熏衣或塗眼胞上或點額
塗身之時若王及夫人太子百官宮人男子
女人等愛樂欽羨道法發菩提心身力財物
皆悉不惜並能施與爲其給使說不可盡猶
如日月一切悉欲樂見諸事皆能成辦若人

帶持此藥罪障消除一切厄難皆得解脫若
王勢力強奪水漂火燒種種刀杖諸毒藥繫
縛煩惱皆得解脫唯須至心然此藥不得輒
內口中毒故

觀世音如意輪含藥品第四

觀世音菩薩憐愍衆生復說口含藥法令一

切愛樂 龍腦香 麝香 鬱金香

細擣和牛黃以上三呪各誦一千八遍以淨
水和之作丸如梧桐子大復誦三呪各一百
八遍陰乾莫令風日到是一一九各誦前三
呪各七遍即著一九內口中若王輔相大衆
等類共一人語時即生恭敬財寶不惜但所
須者一切人皆與之凡所說言一切信受有
所願處並悉剋從著藥口中時常須誦呪觀
世音菩薩即與其願應以觀世音菩薩像前

香水作方壇縱廣四肘用種種華置壇中草木華但求可得者燒白檀香取前丸藥著壇中豎四幢張白憶蓋壇上懸四白旛供養觀世音菩薩然後誦心呪心中心呪各誦一百八遍誦身呪一百八遍然白梅檀香散華爾時求願一切皆獲取壇中藥帶所向之處欲求皆得有所言說亦悉信受一切事皆得成就除不志心

梅檀摩尼心輪眼藥法品第五

時觀世音菩薩憐愍眾生故說眼藥法令一

切人見皆生愛樂心歡喜

慢室迦拘豎 紅蓮華 青蓮華 海水沫

或烏賊魚骨 牛黃 鬱金香 漢鬱金

華荻 胡椒 乾薑

並等分擣細篩訖前藥有一兩即著麝香龍

腦香半兩細研觀世音菩薩像前和合其前三呪各誦一千八遍於一切眾生邊皆起慈悲心著此藥置觀世音菩薩足下然後觸著即得用銅筋點著眼頭治眼一切病翳障白暈流淚赤瘻青盲頭痛每日一度著此藥置

能四

七

眼中一切眼病皆得除差二日著治身中一切病三日著治八十四種癰四日著內外一切障不能障五日著一切怨賊兵甲鬪戰皆得勝利六日著一切惡業煩惱四重五逆惡夢蠱道悉能破壞終不墮三惡道七日著國王宰相一切大衆皆順恭敬信受愛樂二七日著得大自在三七日著則與國王宰相得相親觀四七日著所有夜叉并諸眷屬爲其給使五七日著阿修羅諸龍夜叉羅刹皆爲給使六七日著有大功能飛空羅刹厭魅蠱

道乃至成佛常隨逐衛護七七日著摩訶迦
羅神乃至八部神皆來隨從爲其給使八七
日著衆人不見九七日著悉見一切伏藏十
七日著阿修羅宮門自然開闢宮中所有悉
見出入無礙十一七日著所有一切諸藥猶
如火狀對治悉皆現前若求長命及大力者
即得十二七日著衆山開闢寶物出現隨意
取用十三七日著龍宮自然開闢寶物出現
隨所見悉皆無障礙十四七日著欲界諸天
宮殿無不開者皆悉得見十五七日著夜黑
闇中猶如白日十六七日著地下金地金剛
地水輪風輪空輪悉見十七七日著四天下
所有地獄中衆生悉見已得見彼力故諸受
苦衆生皆得解脫十八七日著其人得力如
日十九七日著見金剛真身諸願皆滿二十

七日著見大慈悲觀世音菩薩一切願皆得
滿足二十一七日著飛騰虛空見色界諸天
宮殿皆悉開闢復見十方諸佛菩薩及佛淨
國若一年著得五種清淨眼若能修此法者
應當深信此教憐愍衆生不得生疑一切成
就如前所說

能四

火唵陀羅尼藥品第六

觀世音菩薩憐愍衆生故說火唵吉祥法能
成一切事能破一切煩惱罪障惡業若有怨
敵皆悉降伏微建毗那夜迦瞋心即自歇息
不復能爲害衆人普生愛敬穿地作爐辟方
一肘摩梨枝摩練遮白芥子酪蜜酥等分和
合沉檀香木柴各長十二指橫量指截著爐
中燒以手抄取少許藥呪一遍放火中燒如
是滿一千八遍能破一切業障壽命延長年

一百二十歲相續七日能作唵法壽命一千
歲身即清淨若能二七日作法國王太子輔
相凡庶歸心恭敬

三七日作法三十三天及諸眷屬并日月四
天王與其眷屬悉來爲作衛護勒叉金剛與

大効驗觀世音菩薩滿其大願

若國土少雨白芥子及酥以次呪之三日火
中燒即降雨時若雨多不止取此爐中灰呪
一百八遍向四方上散之其雨即止

若惡雹下暴風卒起還用此爐灰呪一百八

遍向有雲處遙散即止

第四

九

若常誦呪力如那羅延捨此身已即生極樂
世界所在生處常得宿命即至成佛爾時觀
世音菩薩白言世尊此梅檀心輪陀羅尼如
我所說若比丘比丘尼優婆塞優婆夷若男

若女受持者必得成就勿生疑心所憶念一
切事皆須深敬不得生疑爾時佛讚觀世音
菩薩言善哉善哉大慈悲觀世音菩薩摩訶
薩乃能說此微妙如意輪陀羅尼法現閻浮
提利樂諸衆生等若發心口誦即得効驗雖
然汝依我教與諸衆生數數勤加策勵示誨
便得効驗爲現其身莫違我語我當隨喜爾
時觀世音菩薩白佛言世尊我於無量劫來
以慈悲心受寄衆生常作衛護與其効驗佛
自證知爲衆生故說此如意輪陀羅尼若有
受持常自作課誦者諸願皆得我承佛力如
是救苦衆生爾時觀世音菩薩摩訶薩說此
如意輪陀羅尼經已一切大衆皆大歡喜信
受奉行

火唵吉祥陀羅尼

那謨阿囉那哆囉 夜耶 那謨彌陀婆耶
怛他揭哆耶 那謨曷耶 跋盧枳帝攝拔
囉耶 菩提薩哆縛耶 摩訶薩埵耶 摩
訶伽藍尼 伽耶 怛姪他 唵 阿慕佉
阿波唎帝 喝多吽 吽破吒 娑婆訶

觀世音菩薩祕藏神呪經

能四

十